

## 人天與諸佛具由業因果報

【劫】：大劫、中劫與小劫

每大劫有成、住、壞、空各有一中劫(即二十小劫)

【增劫與減劫】

劫數，又稱劫波或劫簸，簡稱「劫」，是極長的時間。

小劫：

人壽自平均十歲，百年增一歲，至八萬四千歲為止，為增劫；次則每百年減一歲，直至十歲為止，為一減劫；如是一增一減，為一小劫。

中劫：

二十小劫為一中劫，中劫分成、住、壞、空四劫。

大劫：

成、住、壞、空，四中劫為一大劫，即一世界成毀的時間。

1 小劫可換算為 1679 萬 8000 年；20 小劫為 1 中劫，即 3 億 3596 萬年；4 中劫為 1 大劫，即 13 億 4384 萬年。

每大劫必終於一災，或火災，或水災，或風災；其規律是：七大劫終結於火災，第八大劫終結於水災，第六十四大劫終結於風災，三大災總共六十四大劫組成一個循環。

火災燒至初禪天、水災淹至二禪天、風災吹至三禪天。

1 劫=43 億 2000 萬年，即梵天的一天。梵天的一天一夜即人間 86 億 4000 萬年。梵天的一年（360 日夜）即人間 3 兆又 1104 億年。梵天的一個世紀或說一個大劫即人間 311 兆 400 億年。

【小三災】：

當每一小劫的人壽減至三十歲時，即有饑饉災，七年不雨，草木不生，人類多數都受饑餓的逼迫而死亡；人壽減至二十歲時，即有瘟疫災，人類又病死一半；人壽減至十歲時，即有刀兵災，這時一草一木，都變成了殺人的兇器，人類互相瞋恨，互相殺害，直至人類所存無幾才止。刀兵劫：戰爭。疾疫劫：瘟疫。饑饉劫：飢荒。小三災是刀兵、瘟疫、饑饉。刀兵災起七日，疾疫災起七月七日，饑饉七年七月七日。

【大三災】

大三災是火災、水災、風災。這是大星系的毀滅；不僅是地球，而是太陽系、銀河系等，星系的毀滅。以六十四個大劫為一週期。

火災燒到初禪，水災淹到二禪，風災可以吹壞三禪，到四禪則為三災不到之處。所以四禪叫福天。《楞嚴經》上講大三災，水災之因是貪，如果說全世界的人貪心逐漸上漲，就會被水淹沒。火災之因是瞋恚，火山爆發，瞋恚。風災之因是愚癡；颶風、龍捲風，主因皆屬愚癡。傲慢不平是地震之因。佛云，若人能息滅貪、瞋、癡、傲慢，斷除此四大煩惱，勤修戒、定、慧、謙、敬，則災難自然化解。

第一火災，七個日輪，同時並出，焚燒此世界，下自無間地獄，上至色界之初禪天者。第二水災，下自無間地獄上至色界之第二禪天，為水所浸瀾者。第三風災，下自無間地獄上至色界之第三禪天，一切物質。為風飄散者。

大三災壞劫之相，調能壞初、二、三禪，遞次增上，至三禪止。

一、壞初禪 一大劫盡，有一火災，壞至初禪。

二、壞二禪 七火之後，又一大劫，有一水災，壞至二禪。

三、壞三禪 七七四十九番火，則有七水，又加七火，則為六十三大劫。至第六十四劫，乃有風災，壞至三禪。

大三災是火災、水災、風災。這是大星系的毀滅；不僅是地球，而是太陽系、銀河系等，星系的毀滅。以六十四個大劫為一週期。

《法苑珠林》：

### 刀兵部第三

(滅劫)人壽十歲時三毒邪見日夜生長。父母兒子兄弟眷屬互相鬪諍。何況他人。是時諸人起鬪諍已仍相手舞。或以瓦石刀仗互相怖畏。四方諸國互相伐討。一日一夜害死無量。如是過失自然而生。人行不善得是果報。於此中生劫濁而起。是時人家一時沒盡。縱有餘殘各各分散。是時劫末餘七日在。於七日中手執草木即成刀仗。由此器仗互相殘害怖畏困死。是時諸人怖懼刀仗逃竄林藪。或度江水隱蔽孤洲。或入坑窟以避災難。或時相見仍各驚走恐怖失心。或時僕地。如是七日刀兵橫死其數無量。設有在者各散別處。時有一人合集剡浮提男女。唯餘一萬，留為當來人種。於是時中皆行非法。唯此萬人能行善法。諸善鬼神。欲令人種不斷絕故。擁護是人以好滋味令入毛孔。以業力故。於劫中間留人種子自然不斷。過七日後。是大刀兵一時息滅。一切惡鬼皆悉捨去。隨諸眾生所須衣食。應念所須天即雨下。陰陽調和。美味出生。身形可愛相好還復。一切善法自然而起。清涼寂靜安樂無病。慈悲心起無惱害意。互得相見生喜樂心。譬如親愛久不相見。忽得聚集生喜樂心。共相攜持不相捨離。從其十歲展轉行善。/

### 三惡道

惡道（義為「不善-趨向道」），又稱三途、三惡道。指三種不好的有情出生的處所，其中包含欲界六道中畜生道、餓鬼道以及地獄道三種惡道，與天、人、阿修羅三善道相對。三惡道是六道之中環境及果報最惡劣的三種生處，皆因有情於往世之中造作不同差別的惡業為因，導致必須往生該處長時節的時間承受種種苦；更嚴重的果報是：三惡道的眾生一般而言是不能聽聞佛法而修習三無漏學，因而沒有機會能出生解脫惡業輪迴的智慧。若無往昔熏習佛法的智慧，於未來惡報受盡後的後世之中，仍會因再度造作惡業而又下墮三惡道的可能性仍極大，故稱作三惡道。

有些特殊的情況，使得可以在三惡道中享樂，但此輩依舊是生前積德甚多者，如畜生道中的神龍、地龍、金翅鳥，餓鬼道中的夜叉、羅剎、地方神（佛教觀點中，許多民間俗神屬於有大神通的餓鬼），地獄道中的牛頭馬面等。

### 因果

造作不同層次的十惡業者因而往生於三惡道；相反地，如能守十善業則能不墮於三惡道之中：

地獄道：

屬上惡，成就上品十惡業者往生於此。

有十種令眾生下墮地獄的罪，不僅是身口意行的惡行，尚包括了種種的邪見以及有恩不知圖報之人：

「復有十業。能令眾生成地獄報：一者身行重惡業。二者口行重惡業。三者意行重惡業。四者起於斷見。五者起於常見。六者起無因見。七者起無作見。八者起於無見。九者起於邊見。十者不知恩報。以是十業。得地獄報。」

有五種令眾生下墮地獄的罪：

「有五事行。死入地獄億劫乃出。何謂為五。一者不信有佛法眾。而行誹謗輕毀聖道。二者破壞佛寺尊廟。三者四輩轉相謗毀。不信殃罪無敬順意。四者反逆無有上下。君臣父子不相順從。五者當來有欲為道者已得為道。便不順師教而自貢高輕慢謗師。是為五事死入地獄。展轉地獄無有出期。」

餓鬼道：

屬中惡，成就中品十惡業者往生於此

有十種令眾生下墮餓鬼道的罪：

復有十業。能令眾生成餓鬼報。一者身行輕惡業。二者口行輕惡業。三者意行輕惡業。四者起於多貪。五者起於惡貪。六者嫉妬。七者邪見。八者愛著資生。即便命終。九者因飢而亡。十者枯渴而死。以是十業。得餓鬼報復有十業。能令眾生成阿修羅報。一者身行微惡業。二者口行微惡業。三者意行微惡業。四者憍慢。五者我慢。六者增上慢。七者大慢。八者邪慢。九者慢慢。十者迴諸善根向修羅趣。以是十業。得阿修羅報。」

有五種令眾生下墮餓鬼道的罪：

「有五事行墮餓鬼中。何謂為五。一者慳貪不欲布施。二者盜竊不孝二親。三者愚冥無有慈心。四者積聚財物不肯衣食。五者不給父母兄弟妻子奴婢。是為五事墮餓鬼中。」

畜生道：

屬下惡，成就下品十惡業者往生於此

有十種令眾生下墮畜生道的罪：

復有十業。能令眾生成畜生報。一者身行中惡業。二者口行中惡業。三者意行中惡業。四者從貪煩惱。起諸惡業。五者從瞋煩惱。起諸惡業。六者從癡煩惱。起諸惡業。七者毀罵眾生。八者惱害眾生。九者施不淨物。十者行於邪淫。以是十業。得畜生報。」

有五種令眾生下墮畜生道的罪：

「又有五事。作畜生行墮畜生中。何謂為五。一者犯戒私竊偷盜。二者負債而不償。三者殺生以身償之。四者不喜聽受經法。五者常以因緣艱難齋戒施會以俗為緣。是為五事生畜生中。」謗佛、法、(聖賢)僧三寶者，因果也是下墮三惡

道。/

### 【三塗八難】

華嚴經所載，三塗八難共入毘盧性海，意謂在三塗與八難果報眾生，無緣聽聞佛法，受此果報，如生長邊地，因佛陀之大悲願力教化，隨而共證法身。毘盧性海，指毘盧遮那佛之體性廣大無限，猶如大海。又作毘盧藏海。毘盧為法身如來，故毘盧性海亦通法性界、佛性界。

毘盧遮那，為佛之報身或法身。意譯遍一切處、遍照、光明遍照、大日遍照、淨滿、廣博嚴淨之義理。

所謂三塗，又作三途。即火塗、刀塗、血塗，意同三惡道之地獄、餓鬼、畜生，乃因身口意諸惡業所引生之處。

一、火塗，即地獄道，或以於彼處，受苦之眾生常為鑊湯爐炭之熱所苦，或以彼處火聚甚多，故稱火塗。

二、刀塗，即餓鬼道，以於彼處之眾生常受刀杖驅逼等之苦，故稱刀塗。

三、血塗，即畜生道，以於彼處受苦之眾生，強者伏弱，互相吞噉，飲血食肉，故稱血塗。

「塗」之義有二，一為殘害，如塗炭；二為所趣，意指惡趣、惡道。

八難：指不得遇佛、不聞正法之八種障難。又作八難處、八難解法、八無暇、八不閑、八非時、八惡、八不聞時節。

中阿含卷二十九(八難經)載，八難即：

一、在地獄難，眾生因惡業所感，墮於地獄，長夜冥冥而受苦無間，不得見佛聞法。

二、在餓鬼難，餓鬼有三種：一、業最重之餓鬼，長劫不聞漿水之名。二、業次重之餓鬼，唯在人間伺求蕩滌膿血糞穢。三、業輕之餓鬼，時或一飽，加以刀杖驅逼，填河塞海，受苦無量。

三、在畜生難，畜生種類不一，亦各隨因受報，或為人畜養，或居山海等處，常受鞭加殺害，或互相吞噉，受苦無窮。

四、在長壽天難，此天以五百劫為壽，即色界第四禪中之無想天。無想者，以其心想不行，如冰魚蟄蟲，外道修行多生其處，而障於見佛聞法。

五、在邊地之鬱單越難，譯為勝處，生此處者，其人壽千歲，命無中天，貪著享樂而不受教化，是以聖人不出其中，不得見佛聞法。

六、盲聾瘖難，此等人雖生中國(指古印度中部摩竭陀國一帶)，而業障深重，盲聾瘖，諸根不具，雖值佛出世，而不能見佛聞法。

七、世智辯聰難，謂雖聰利，唯務耽習外道經書，不信出世正法。

八、生在佛前佛後難，謂由業重緣薄，生在佛前佛後，不得見佛聞法。

由正覺三塗八難足見此輩之業障深厚，我佛弟子應有所覺悟，萬萬不可造作三毒十惡五逆之罪業，方免墮三塗八難大苦聚；更應勤習戒定慧，斷惑證真，轉識成智，究竟明心見性，洞徹法身，同證涅槃，方為所務。

一、**第一北鬱單越（北俱盧洲）者。**依長阿含經云：須彌山北天下有鬱單越國。其土正方縱廣一萬由旬。人面亦方。多有諸山浴池。**華菓豐茂。無數眾鳥和鳴。地生軟草縈紫右旋。…軟若天衣。其地柔軟以足踏地。地凹四寸。舉足還復。**地平如掌無有高下。彼土四面有四阿耨達（無熱惱）池。各縱廣百由旬。以七寶砌出四大河。廣十由旬。眾鳥和鳴。彼土無有溝坑荆棘株杌。亦無蚊虻毒蟲。地純眾寶。陰陽調柔四氣和順。百草常生無有冬夏。其土常有自然糠米不種自生。無有糠糲如白華聚。猶切利天食眾味具足。其土常有自然釜鑊。有摩尼珠名曰焰光。置於鑊下飯熟光滅。不假樵火不勞人功。其土有樹。名曰曲躬。葉葉相次天雨不漏。彼諸男女止宿其下。其菓熟時皮破自然出種種衣。或出種種嚴身之具。或出種種器。或出種種食。或戲河中有眾寶船。彼方人民欲入中洗浴遊戲時。脫衣岸上。乘船中流娛樂訖已度水遇衣便著。先出先著。後出後著。不求本衣。次至香樹樹為曲躬。其人手取樂器調弦。並以妙聲和絃而行詣園娛樂。其土中夜阿耨達龍王數數時起清淨雲。周遍世界而降甘雨。…以八味水潤澤普洽。於中夜後淨無有翳空中清明。海出涼風微吹人身舉體快樂。其土豐熟人民熾盛。設須飲食以自然糠米著於釜中。以焰光珠置於釜下。飯自然熟珠光自滅。諸有來者自恣食之。其主不起飯終不盡。若其主起飯則盡賜。其飯鮮潔如白華聚。其味如天無有眾病。氣力充足顏色和悅無有衰耗。其土人身顏貌同等不可分別。其貌少壯如閻浮提二十許人。其人口齒平正潔白無間。髮紺（音幹，微紅帶青）青色無有塵垢。髮垂八指齊眉而止。不長不短。/若其土人起欲心時。有熟視女人而捨之去。彼女隨往詣園林。若彼女人是彼男子父親母親骨肉中表。不應行欲者樹不曲蔭。各自散去。北洲人不索女不迎妻。不買不賣。…若自相見便即相隨其往別處。若多欲者一生之中數唯至五。亦有修行至死無欲。彼人懷妊七日八日便產。隨生男女置於四衢大交道頭捨之而去。有諸行人經過其邊出指含嗽。指出甘乳充遍兒身。過七日已其兒長成與彼人等。男向男眾女向女眾。彼人命終不相哭泣。莊嚴死屍置四衢道捨之而去。有鳥接彼死屍置至山外而啾食。又其土人大小便時地為開坼便利訖已地還自合，其土人民無所繫戀亦無蓄積，壽命常定死盡生天，彼人何故壽命常定。**其人前世修十善行。身壞命終生鬱單越。壽命千歲不增不減。是故彼人壽命正等。**若有人能施沙門婆羅門，及施貧窮乞兒疾病困苦者，給其衣食乘輿華鬘塗香床榻房舍。又造塔廟燈燭供養，其人命終生鬱單越。**壽命千歲不增不減。其土不受十善。舉動自然與十善合。身壞命終生天善處。**是故彼人得稱為勝。於三天下其土最上。故秦言最上。彼土人民悉皆白淨。人所莊飾。鬚髮翠黑恒如荆周羅。五日頭髮自然長。橫七指無有增減。

二、**須彌山東有天下。名弗於逮（東勝身洲）。**其土正圓。…彼土用綿絹共相市易。彼土人壽二百歲少出多減，飯食魚肉（立世論云：自不殺生。不令他殺。若有自死則食其肉）以穀帛珠璣共相市易。人有婚禮嫁娶（東弗婆提人。其多欲者。一生之中其數至七。其中品者。或至五六。亦有修行至死無欲。東西二洲人唯無黑色。餘同剌浮提身有種種色。

三、第四閻浮提者。須彌山南有天下。名閻浮提。…人壽百歲。中天者多。剡浮提人一生欲事無數無量。不同餘三洲人少欲。亦有修行至死無欲。

閻浮提人。人壽百二十歲。中天者多。東弗於逮人。人壽二百歲。西俱耶尼人。人壽三百歲。北鬱單越人。人壽千歲(餘三方人並有中天者。唯北洲人定壽千年也)。

#### 優劣部第十

閻浮提有三事勝弗於逮。何等為三。一者勇猛強記能造業行。二者勇猛強記能修梵行。三者勇猛強記，佛出其土。

弗於逮有三事勝閻浮提。何等為三。一者其土極廣。二者其土極大。三者其土極妙。

閻浮提有三事勝鬱單越。何等為三。一者勇猛強記能造業行。二者勇猛強記能修梵行。三者勇猛強記佛出其土。

鬱單越復有三事勝閻浮提。何等為三。一者無所繫屬。二者無有所。三者壽定千歲。

金翅鳥復有三事勝閻浮提。何等為三。一者長壽。二者身大。三者宮殿。閻浮提以上三事勝阿須倫(阿修羅)。

阿須倫復有三事勝閻浮提。何等為三。一者宮殿高廣。二者宮殿莊嚴。三者宮殿清淨。

#### 辯位部第一

初禪有三天。一名梵眾天。二名梵輔天。三名大梵天(此大梵天無別住處。但於梵輔有層臺高顯嚴博。大梵天王獨於上住。以別群下於此。三天之中梵眾是庶民。梵輔是臣。大梵是君。唯此初禪有其君臣民庶之別。自此已上悉皆無也)二禪之中有三天。一名少光天。二名無量光天。三名光音天。第三禪中亦有三天。一名少淨天。二名無量淨天。三名遍淨天。第四禪中獨有九天。一名福生天。二名福愛天。三名廣果天。四名無想天(此無想天亦無別所。但與廣果同階別處以是外道所居故分二種別名也)五名無煩天。六名無熱天。七名善現天。八名善見天。九名色究竟天(色界合有十八天)第三無色界中有四天。一名空處天。二名識處天。三名無所有處天。四名非想非非想處天(是名三界總有三十二種天也)問曰。未知此三十二天幾凡幾聖。答曰。二唯凡住。五唯聖住。自餘二十五天凡聖共住。所言二唯凡住者。一是初禪大梵天王。二是四禪中無想天中。唯是外道所居。問曰。何故此二唯凡住耶。答曰。為大梵天王不達業因。唯說我能造化一切天地人物。恃此高慢輕蔑一切聖人。故不與居。又無想天中唯是外道修無想定以生其中。受五百劫無心之報。外道不達謂為涅槃。受報畢已必起邪見來生地獄。以是義故。一切聖人亦不生中也。所言五唯聖人居者。謂從廣果已上無煩無熱等五淨居天。唯是那含羅漢之所住也。縱凡生彼天者要是進向那含身(三果)。得四禪發於無漏起熏禪業<sup>1</sup>。或起一品乃至五品。方乃得生。凡夫無此熏禪業故不得

<sup>1</sup> 師子奮迅三昧 般若經說：行者依九次第定，入師子奮迅三昧。調離欲惡不善法，有覺有觀，離生喜樂入初禪。如是次第入二禪、三禪、四禪、空處、識處、無所有處、非非想處、滅受想

生也。若言那含生彼理則無疑。問曰。阿羅漢既是無生。何故亦雲生彼天者。答曰。此應言欲界那含（三果）生彼而得羅漢。非謂先是羅漢而生彼也。自餘二十五天凡聖共居。不言可悉。若總據大小乘說。合有四天。有四種天。一世間天。二生天。三淨天。四義天。世間天者如諸國王。生天者從四天王乃至非想非無想天。淨天者從須陀洹至辟支佛。義天者十住菩薩摩訶薩。以何義故。十住菩薩名為義天（「義天」：指能悟解大乘深義之十住以上之菩薩。另有「第一義天」，即佛及佛所證得之涅槃。）以能善解諸法義見一切法是空義故。

### 業因部第三

問曰。六趣之報造何業生。答曰。依智度論說。六趣之業不過善惡。各有三品。上者生天。中者生人。下者生四惡趣。若依此義。但善上品即得生天。不散定別耶。若依業報差別經中。具說十善得生天趣具分定散三界差別。復有十善能令眾生得欲界天報。具修增上十善得生欲界天報。此則欲界散善業也。復有十業能令眾生得色界天報。為修有漏十善與定相應。此則色界定善業也。復有四業能令眾生得無色界天報。一者謂過一切色想滅一切有對想入空處定。二者過一切空處定入識處定。三者過一切識處定入無所有處定。四者過一切無所有處定入非想非非想處定。以是四業得無色界報。若爾此界何故不言十善業者。應言此界是無色報雜色而修遠離身口。是故據地但言四業不就十善也。然上來所說皆是如來分別業報因果相當不差異也。若依善戒經說。僧持二百五十戒。尼持三百七十八戒。亦是生天之業。故四分律偈云：

此據欲界天說。又如正法念經說。或因持戒不殺不盜不婬。由斯三善亦得生天。此亦生欲界天。若身不殺盜婬口不妄語不綺語不兩舌不惡口。持此七戒得生四天王天。若能持七種戒得生化生天。此有上中下。若持不殺戒得生四天王處。若持不殺不盜得生三十三天。若持不殺不盜不邪婬得生夜摩天。若持不殺不盜不邪婬不妄語兩舌惡口綺語得生兜率陀天。受世間戒信奉佛戒。不殺不盜不邪婬不妄語兩舌惡口綺語。得生化樂天他化自在天。先於佛所淨修梵行。於此命終生忉利天。使彼諸天增益五福。一者天壽。二者天色。三者天名稱。四者天樂。五者天威德。

### 受生部第四

**第二忉利天受生者。**彼三十三天有善法堂。天眾集處。有八萬四千柱。皆是眾寶所成。入者無諸惡觸蚊虻等過。亦無眠睡懈怠頻申等過。無量百千天女欲心戲笑。無有嫉心鬪諍等過。頰淨無垢如月鏡輪。天女之法以香彩色用點頰額以莊嚴面。天女詠聲共相娛樂。

或兩股間忽然而生。初生出時即如人間十二歲兒。初生之時以自業故得三種念。一自知從某處死。二自知今此處生。三知彼生。是此業果是此福報。作是念

---

定。從滅定起，還入非非想定。從非非想定起，還入無所有定。如是次第，還入識處、空處、四禪、三禪、二禪、初禪。譬如師子奮迅之時，非但能前進奮迅而去，亦能卻行奮迅而歸。一切諸獸，所不能爾。行者入此法門，亦復如是，上來諸禪所不能爾。住此法門，即能復卻遍入一切諸禪，熏諸觀定，悉令通利，轉變自在，出生諸深三昧，種種功德神智轉勝，故此名為薰禪。譬如牛皮熏熟，隨意作諸世物也。此唯利根聲聞，乃能修之。

已。便思念食。即於其前有眾寶器。自然盛滿天須陀味種種異色。若福下者其色稍黑。若有渴時即於其前有天寶器盛滿天酒。隨福上中下白赤黑色。略說如前。入口消融亦同前說。身既充足各隨意趣。或詣園苑看其樹。自然種種衣服瓔珞華鬘飲食音樂低垂。憶宿世事如視掌中。由見天女迷諸色故。正念覺智此心即滅。既失前念著現在欲。此則名為欲愛所縛。

### 通力部第十三

**上來七天具有十法。**一飛來無限數。二飛去無限數。三去無礙。四來無礙。五天身無有皮膚體筋脈血肉。六身無不淨大小便利。七身無疲極。八天女不產。九天目不瞬。十身隨意。好青則青。好黃則黃。好餘色亦爾。又有十事。一飛行無極。二往還無極。三天無盜賊。四不相說身善惡。五無有相侵。六諸天齒等而通。七髮紺青色澤長八尺。八天人青色髮亦青色。九欲得白者身即白色。十欲得黑色身即黑色。一切諸天有十別法。何等為十。一諸天行時來去無邊。二諸天行時來去無礙。三諸天行時無有遲疾。四諸天行時足無蹤跡。五諸天身力無患疲勞。六諸天之身有形無影。七一切諸天無大小便。八一切諸天無洩唾。九諸天之身清淨微妙。無皮肉筋脈脂血髓骨。十諸天之身欲現長短青黃赤白大小麤細。隨意悉能。並皆美妙端嚴殊絕。令人愛樂。一切諸天有此十種不可思議。又諸天身充實洪滿。齒白方密。髮青齊整。柔軟潤澤。身有光明。及有神力。騰虛飛遊眼視無瞬。瓔珞自然衣無垢膩。

### 身光部第十四

**諸天業報生身光者。**欲界諸天身常光明。以燈燭明珠等施及持戒禪定等清淨故。身常光明不須日月所照。色界諸天行禪離欲。修習火三昧故。身常出妙光明勝於日月及欲界果報光明離欲天。取要言之。是諸光明皆由心清淨故。得若論釋。佛常光面各一丈。諸天光明大者雖無量由旬。於丈光邊蔽而不現。

佛告毘舍佉。如來有六種光明。何謂為六。**一青光。二黃光。三赤光。四白光五紅光。六紫光。光色照明。是名如來六種光明。**

佛告諸比丘。螢火之明不如燈燭之明。燈燭之明不如炬火。炬火之明不如積火。積火之明不如四天王。四王宮殿。衣服身光不如三十三天。乃至展轉色究竟天光明。不如自在天光明。自在天光明不如佛光明。從螢光明至佛光。合集爾所光明不如苦諦集諦滅諦道諦光明。是故諸比丘欲求光明者。當求苦集滅道光明。又人有七色。云何為七。有人金色。有人火色。有人青色。有人黃色。有人赤色。有人黑色。有諸天阿須倫。有七色亦復如是。

### 婚禮部第十六

餘三天下悉有男女婚嫁之法。鬱單越人無我、我所。樹枝若垂男女便合，無復婚嫁。諸龍金翅鳥阿脩羅等，皆有婚嫁男女法式，略如人間。六欲諸天及以魔天，皆有嫁娶，略說如前。從此已上所有諸天不復婚嫁，以無男女異故。四天下人若行欲時，二根相到流出不淨。一切諸龍金翅鳥等。若行欲時，二根相到，但出風氣即得暢適，無有不淨。三十三天行欲之時，根到暢適亦出風氣；如前龍鳥無異。四天王天若索天女。女家許已乃得迎接。或貨或買。欲界諸天亦復如是。



剡浮提人及餘三洲四天王天忉利天等要須和合成慾，夜摩天相抱為慾，兜率天執手為慾，化樂天共笑為慾，他化天相視為慾。四天王處諸女天等，無有惡食無有胎長者，亦不生兒，亦不抱兒。男女生時，或於膝上，或於眠處，皆得生兒。四天王天生欲事無量無數，亦有修行至死無欲。一切欲界諸天亦爾。

### 飲食部第十七

一切眾生有四種食，以資諸大得自住持。何等為四。一麤段及微細食。二觸食。三意思食。四識食。何等眾生應食麤段及微細食。自此已上色界、無色天，並以禪悅法喜為食。無復麤(粗)段微細食也。問曰：何等眾生以觸為食？答曰：一切卵生得身，故以觸為食。何等眾生以思為食？若有眾生意資潤，諸根增長。如魚鼈蛇蝦蟆等，及餘眾生以意思潤益諸根壽命者。此等皆用思為食。何等眾生以識為食？所謂地獄眾生及無邊識處天等，皆用識持以為其食。一切欲界諸天食亦皆如是。色界諸天從初禪乃至遍淨以喜為食。無色界已上諸天以意業為食。

問曰：諸天飲食云何？欲界諸天隨其貴賤好惡不同，其福厚者，隨其所思無不具足。飲則甘露盈杯，食則百味俱至。其福薄者，雖有飲食恒不稱心，以不足故猶下食來。譬如諸天共寶器食，隨其福德飯色有異。上者見白，中者見黃，下者見赤。色界諸天以禪悅為味，若以四食言之，唯有觸食法也。

### 送終部第二十二

如四天王天若眷屬死，不送不燒不棄不埋，如光焰沒無有屍骸，以化生故。以化生故。死無遺質也頌曰。

三界擾擾 六道茫茫 往還不已 願出穢土 游息淨方 一念歸正 萬壽無疆

### 諸天部

#### 述意部第一

夫論天報，識復豐華。服玩光新，身形輕妙。而自在天上更是魔王。無想定中翻為外道，四空之頂，邪執不輕；六欲之間，迷惑殊重；不能受持般若供養涅槃。憍慢轉增，我人逾盛。所以頭華萎頓，腋汗流衿。寶殿歇光，羅衣聚膩，憑斯淨心，悉皆懺蕩。普為四王忉利、兜率、欲摩、化樂、他化、梵王、梵輔、光音、遍淨、廣果、那含、不煩、不熱、善見、善現。空處識處、不用處非非想處。乃至橫窮他界豎極上天，或復端坐華臺，動逾劫數，凝神玉殿，一視千年。願令自然之服，不離身形。長謝五衰，常豐七寶，色像端嚴，容儀煒燁，永離苦因，清昇樂果也。

問曰：何故彼趣名天。有說：光明增，故名天。以彼自然光，常照晝夜故。聲論者說，能照故名天。以現勝果，照了先時所修因故。復次戲樂故名天。以常遊戲受勝樂故。

問曰：諸天形相云何？今略論諸天報身之相，所謂諸天皆無骨肉，亦無大小便利不淨，身放光明無別晝夜，報得五通形無障礙。譬如一室然五百燈光明不相逼迫，諸天手中置五百天亦復如是，不窄不妨。第三遍淨天六十人坐一針頭而聽法不相妨礙。

### 受苦部第三

上界雖勝，仍有微苦。上二界中，雖無龐苦，而有微細苦。何以知之？唯得道者，將命終時，無憂苦色。今既是凡，寧無憂喜。論中無苦者，以苦相微，故說言無。由上界樂行寂滅，不著不能發起龐貪恚瞋。故名無苦無樂。又無刀杖等苦故言無苦，非無微苦。世間雖有上妙清淨園林，然死屍處中則為不淨，眾共捨之，不生愛著；色界亦爾。/

有四比丘坐於樹下，共相問言：一切世間何者最苦？一人言，天下之苦無過婬慾。一人言，世間之苦無過飢渴。一人言，世間之苦無過瞋恚。一人言，天下之苦莫過驚怖；共諍苦義紛紜不止，佛知其言，往到其所問諸比丘。向論何事。即起作禮具白所論。佛言。比丘。汝等所論不究苦義，天下之苦莫過有身。飢渴寒熱瞋恚驚怖。色欲怨禍。皆由於身。**夫身者，眾苦之本，患禍之元（原）。勞心極慮，憂畏萬端，三界蠕動更相殘害，吾我縛著生死不息。皆由身與。**欲願離世苦當求寂滅，攝心守正，泊然無想（即修止觀），可得泥洹。此最為樂。故知未得聖智滅此三界之身，當非苦耶。問曰：色界有身，有苦可爾。無色無形，苦受何生？答曰：彼報精微，凡小不覩。無其龐礙，非無細色。上二界死時退時，生大懊惱，甚於下界。譬如極處墮摧碎爛，苦樂隨身，至於四禪；憂喜隨心，至於有頂。

（天）福欲盡時，五衰相現，則大憂惱。天上雖無大苦惱事，然其身體柔軟細滑，見五相時極受大苦。如地獄苦等無差別。

雖復得梵天之身，乃至非想非非想天。命終之時還墮三惡道中。雖為四天王，乃至他化自在天身，命終生於畜生道中。或為師子虎兕豺狼象馬牛驢等，故知天報盡時其身大苦。既有斯難，即須披誠，疏條此業，懺令伏滅。若人造罪受報盡已，後時修善，設生天上。由昔餘殃，天中微受。若於先世有偷盜業，爾時自見諸天女等，奪其所著莊嚴之具，奉餘天子。若於先世有妄語業，諸天女等聞其所，說生顛倒解，謂其惡罵。若於先世以酒，施於持戒之人。或破禁戒，而自飲酒，或作麴釀。臨命終時，其心悶亂，失於正念，墮於地獄。若於先世有殺生業，壽命短促，速疾命終。若於先世有邪婬業，見諸天女，皆悉捨已，共餘天子，互相娛樂。是則名曰五衰相也。以其持戒五種缺故，業網所縛，受此業報。又天帝釋復觀業果於殿中，叫喚大地獄十八隔處。殺生偷盜邪婬妄語業，墮此地獄具受眾苦。從地獄出生餓鬼中，壽命長遠。從餓鬼中死生畜生中，互相殘害，從畜生中死。若生人中，身色憔悴，無有威德。若有餘業得生天中，身量形貌，皆悉減劣，一切眾寶莊嚴之具光明微少，不為天女之所愛敬。天女背叛，捨至餘天。智慧薄少，心不正直，為餘天子之所輕笑。若諸天眾與阿修羅鬪戰之時。為他所殺。以餘業故。

#### 報謝部第四

諸天中將命終位。先有二種五衰相現。一小，二大。云何名為小五衰相？一者、諸天往來轉動，從嚴身具出五樂聲，善奏樂人所不能及；將命終位，此聲不起。有說：復出不如意聲。二者、諸天身光赫奕晝夜相照，身無有影；將命終時身光微昧。有說：全滅身影便現。三者、諸天膚體細滑入香池浴，纔出水時水不

著身，如蓮華葉；將命終位水便著身。四者、諸天種種境界，悉皆殊妙漂脫諸根，如旋火輪不得暫住；將命終位，專著一境，經於多時不能捨離。五者、諸天身力強盛，眼嘗不瞬；將命終時，身力虛劣，眼便數瞬。

云何為大五衰相？一者、衣服先淨今穢。二者、華冠先盛今萎。三者、兩腋忽然流汗。四者、身體歎生臭氣。五者、不樂安住本座。

前五衰相現已或可轉。時天帝釋以有五種小衰相現，不久當有大衰相現。心生怖畏作是念言，誰能救我如是衰厄，後當歸依。便自了知：除佛世尊無能救護。尋詣佛所，求哀請救。佛為說法，便得見諦。令彼衰相一時皆滅，故於佛前歡喜踴躍。

昔忉利天宮有一天，壽命垂盡有七種瑞現：一項中光滅，二頭上華萎，三面色變，四衣上有塵，五腋下汗出，六身形瘦，七離本座。即自思惟。壽終之後下生鳩夷那竭國疥癩母豬腹中作豚。甚預愁苦不知何計。餘天語言。今佛在此為眾說法。唯佛能脫卿之罪耳。即到佛所稽首作禮未及發問。佛知告曰。一切萬物皆歸無常。汝素所知。何為憂愁。

#### 人道受苦部第七

此身不堅，腐敗危脆，猶如聚沫，須臾變滅。端正容貌甚可愛著，衰老既至，將安所在。外覆薄皮謂為嚴飾，膿血肉流惡露不淨。無常既至誰有存者？世間眾苦甚難久居，故知人身唯苦無常；理應生厭，速求解脫。一切有為眾苦積聚。生老病死輪轉無際，無常敗壞速朽之法。如臨死囚，命不云遠。宜勤方便，速求解脫，縱使富貴如天，終歸磨滅。外相似好，內恒憂懼。

《法苑珠林》卷9：「於是寶女問世尊曰：如來有三十二大人之相，前世宿命行何功德，而致是相遍佈於體？佛告寶女：吾往古世行無量德，合集眾行，由得是相遍於身體。今粗舉要：如來之相足安平立、大人相者，乃往古世，堅固勸助，而不退轉，未曾覆蔽他人功德故。汝欲知之，吾往世時，行於無量不可計，會眾德之本故。如來宿世奉行如斯，乃能致此三十二大人之相也。

如第二十二梵聲相中，如來梵聲相。謂佛於喉藏中有妙大種，能發悅意和雅梵音，如羯羅頻迦鳥<sup>2</sup>。乃發深遠雷震之聲，如帝釋鼓。如是音聲具八功德。一者深遠。二者和雅。三者分明。四者悅耳。五者入心。六者發喜。七者易了。八者無厭。

如來有梵聲相，如梵天王五種聲而從口出：一甚深如雷，二清徹遠聞，聞者悅樂。三入心敬愛，四諦了易解，五聽者欲聞無厭，菩薩亦有如是五種聲從口中出，迦陵毘伽聲相，可愛如天鼓音深遠。

#### 述意部第一

<sup>2</sup> 即迦陵頻伽，意譯「妙音鳥」、「好聲鳥」、「妙聲鳥」，佛經中說他聲音美妙，能頌佛經。《阿彌陀經》記載，和共命鳥同樣住在極樂淨土。傳說中此鳥產自印度，本來出自雪山，山谷曠野中亦多。迦陵頻伽外形顏色黑似雀，喙部呈紅色，羽毛十分華美，上身為人，下身為鳥，有翼故能飛。在卵殼中即能鳴叫，聲音清婉。其聲音為天、人、緊那羅（形象為半人半馬，是天神的歌者和樂工。佛教中以為護法神天龍八部之一。禪宗叢林將他當作灶神奉祀。）一切鳥類所不及。

夫避苦求樂，寔（實）品物之常情。厭濁欣淨，是生靈之舊理。娑婆五痛（殺盜淫妄酒），由積惡而丘坑。寶臺珍觀，假勝念而崔嵬（高聳）。玉沼瓊池，藉善心而皎潔，花開蓮合，驗慈父之非虛；浪動波迴，聞法言之在耳。自非功勤志固行滿因圓，何能隨千心而上金臺，依十念而昇樂國也。

## 會名部第二

述曰：世界皎潔，目之為淨，即淨所居，名之為土。所居之土無於五濁，如玻璃珂等名清淨土，無煩惱眾生住處名為淨土。淨土不同有其四種：

一、法性土（常寂光淨土），以真如為體，以蓮華王為淨土所依。譬法界真如為淨土所依體故。二、實報土（實報莊嚴無障礙土）：以二空為門，三慧為出入路，奢摩他（止）、毘鉢舍那（觀）為乘，以根本無分別智為用，此皆約報功德辯其出體。三、事淨土（方便有餘）：謂上妙七寶，是五塵色性聲香味觸為其土相，佛周遍光明七寶處也。諸佛境界相中種種間錯莊嚴，備諸珍寶性具足妙莊嚴。又：假使如上世界，乃至大火洞然如來在中，若依經行，若住坐臥，其處自然八功德水出現於地。四、化淨土（凡聖同居土）：謂佛所變七寶五塵為化土體，以佛神力地皆柔軟，無有丘壚土沙礫石。乃至猶如西方無量壽佛極樂世界等，由智自在隨彼所欲，能現水精瑠璃等清淨世界，佛以足指案地現淨等事，隨諸眾生心所樂見，為示現故。此諸經論所明，並約化為淨土，由佛神力現故有，故名化土。

/

見思惑 { 見惑 -- 身見、邊見、見取見，戒禁取見、邪見。  
思惑 -- 貪、瞋、痴、慢、疑。

為小乘佛教聲聞修道之階位。

(一)預流（須陀洹）：分為預流向、預流果二種：(1)預流向，即指入見道時，初見四聖諦之理，得無漏清淨智慧眼之階位。又因其直至預流果，不墮於三惡趣，故又稱無退墮法。但因此位之聖者尚未證入其果位，故不稱果，而稱為向，蓋取其趣向於初果之義。

(2)預流果，又稱初果，指斷盡三界之見惑（八十八使），預入聖道之法流，由其根之鈍利而分為：1. 隨信行，指鈍根者，即自己不披閱教文，但信他人言說而得悟道者。2. 隨法行，指利根者，由自己閱讀經典隨法而行。預流果聖者之輪迴生死，最長僅於人界與天界中各往返七度；此即言十四生間必證得阿羅漢果，絕無第八度再受生者，故稱為極七返有、極七返生。

(二)一來（斯陀含），分為一來向、一來果二種：(1)一來向，即指已斷除欲界九品修惑中之前六品者；因此位之聖者尚未斷除後三品之修惑，故一度生於天界再來人間而入般涅槃，故稱為一來。然因此位之聖者尚未證入其果位，而僅趣向於第二果，故稱為一來向。(2)一來果，即第二果，指已斷除欲界九品修惑中之前六品，並證入果位者。又於一來向之聖者中，斷除前三品或前四品者，稱為家家

聖者，簡稱為家家。家家，即出一家而至另一家，例如從人間生於天界，又從天界生於人間。由欲界九品之修惑，遂須在欲界中生死七次，即在人、天中各受七生。

(三)不還(阿那含，簡稱為那含。)分為不還向、不還果二種：(1)不還向，即指已證得一來果之聖者，將斷除欲界九品修惑中之後三品，而即將證入不還果之階位；以其趣向於第三果，故稱不還向。(2)不還果，即三果，指已斷盡欲界九品修惑中之後三品，而不再返至欲界受生之階位。因其不再返至欲界受生，故稱為不還。不還果又可分為五種，稱為五種不還，又作五種阿那含、五不還果、五種般。

即：1. 中般，指不還果之聖者死於欲界而生色界時，於色界之「『中』有」位而入般涅槃者。2. 生般，聖者既「生」於色界，未久即能起道聖，斷除無色界之惑而入般涅槃者。3. 有行般，生於色界，經過長時之加「行」勤修而入般涅槃者。4. 無行般，生於色界，但「未」加行勤修，任運經久，方才斷除無色界之惑而入般涅槃者。5. 上流般，先生於色界之初禪，「漸次」上生於色界餘天之中，最後至色究竟天或有頂天而入般涅槃者。上流般可分為樂慧、樂定二種。此二種之上流般又分全超般、半超般、遍沒般三種。全超般，指生於色界最下層之梵眾天，越過中間之十四天，而生於色界或無色界之最上天者。半超般，指超越中間之一天乃至十三天者。遍沒般，指不超過一天而遍受生於諸天者。復次，入滅盡定，證得如涅槃寂靜樂之不還果，斷除欲界九品修惑，獲不還果之聖者，再生起欲界之煩惱，而自不還果退墮者，則稱為離欲退。

(四)阿羅漢，譯作應供、應、無學。分為阿羅漢向、阿羅漢果二種：(1)阿羅漢向：即趨向阿羅漢果之「因位」。得第三果「阿那含果」之人於斷除三界之見惑及欲界九品之思惑後，更起加行，斷除色界、無色界之惑，其間即稱為阿羅漢向。由斷除有頂九品之惑，而滅盡三界見、思之惑，證入阿羅漢果。(2)阿羅漢果為四果之第四，於解脫道已生盡智，四智圓融無礙而無法可學，昇至極位，故稱為無學。在四向四果中，此果乃聲聞乘之極果，其餘之四向三果則稱為有學。見思乃稱見道所斷之見惑與修道所斷之修惑，故稱見修。相對無明之根本惑，稱見思為枝末無明。又以塵沙、無明為菩薩所斷之別惑，見思為三乘人所通斷，故稱通惑。相對無明等界外之惑，見思唯潤增有漏之業，招三界之生死，故稱界內惑。即煩惱本無實體，乃見為假有之虛妄不實之理，故稱見惑；貪、瞋等之煩惱緣五塵、六欲之事相，經思惟而留之於心，故稱思惑。

說明

質言之，斷三界見惑盡為初果「入流」，斷欲界前六品思惑為二果「一來往」，斷欲界後三品思惑為三果「不還」，斷色空二界七十二品思惑為四果「羅漢」。

斷盡見思惑，證阿羅漢，即「能飛行變化，曠劫壽命，住動天地。」阿羅漢有六通，飛行變化，為其神足通。曠者久也，劫即梵語劫波之略，即長時期也。  
(淨土偈語)：

六欲諸天現五衰 三禪猶患有風災

縱饒修到非非想 不如西方歸去來

雪廬老人《佛說四十二章經表註講義》：

三界見思，以愛欲為本，愛欲既斷，即出輪迴，是以經喻「如四肢斷，不復用之。」然凡夫外道，無不尚愛，故於命終，恒為三愛牽入輪迴。三愛者，一為自體愛，即是身見。二為環境愛，眷屬資財皆屬之。三為當生愛，即投生之處也。是以愛為生死之本。世聖孔子，亦不曰愛，而曰道德仁義。佛法八萬四千，若不斷愛，無一能入其門，惟淨土一宗，能順眾生貪愛之心，導入西方極樂世界，既入極樂，愛心自除，是為特別法門。

良馬見鞭影而走——馬有四種。

1. 其最上良馬。見鞭影而馳。不待軀策。
2. 次則一鞭即走。
3. 又次之鞭輕不走。鞭重方走。
4. 其最下駑馬。鞭重亦不走。必錐入於膚。痛極而始走。

人亦如是：

1. 有智慧者，易於醒覺。百里內聞人死，即當駭曰：百里內有人死矣，吾亦人也；死必及我，作速修行以求解脫。此見鞭影而馳者也。
2. 其次則見親戚死而覺悟。
3. 又其次見逼鄰人死，而後覺悟。
4. 若待自己年老，或自己有病，而後覺悟，已是錐入膚而後走者。
5. 倘或年老猶不覺悟，或已病猶不覺悟，豈非並此而不若者乎。（註：不是不覺悟，是不知覺悟為何事？生必有死，情理之常，又能如何？）